



Nr 476 Prot  
Tiranë më 17.9. 2014

Nr 8184 Prot  
Tiranë më 10.10. 2014

## MARRËVESHJE BASHKËPUNIMI

Ndërmjet

**MINISTRISË SË MIREQENIES SOCIALE DHE RINISË**

Dhe

**MINISTRISË SË PUNËVE TË BRENDSHME**

### **"PËR IDENTIFIKIMIN DHE MBROJTJEN E FËMIJËVE NË SITUATË RRUGE"**

Kjo Marrëveshje Bashkëpunimi hartohet ndërmjet Palëve:

**Ministrisë së Mirëqenies Sociale dhe Rinisë, e njohur më poshtë si "MMSR"**

dhe

**Ministrisë së Punëve të Brendshme, e njohur më poshtë si "MPB"**

Duke synuar ndërmarrjen e përpjekjeve të përbashkëta institucionale parandaluese dhe mbrojtëse, si një garanci për zhvillimin dhe mirëqenien e fëmijëve në situatë rruge, të cilët janë ndër grupet më vulnerabël dhe që jetojnë në kushte të papranueshme fizike, sociale dhe psikologjike, duke u bërë subjekt i formave të ndryshme të dhunës, abuzimit dhe shfrytëzimit;

Duke synuar respektimin e parimeve të përmbajtura në dokumentat themelore, si: interesi më i lartë i fëmijës, barazia dhe mosdiskriminimi, parimi i së drejtës së jetës, zhvillimit dhe mirëqenies, mbrojtja nga dhuna, keqtrajtimi, shfrytëzimi dhe përdorimi për punë, respekti për pikëpamjen e fëmijës, ruajtja e konfidencialitetit, parimi i pjesëmarrjes dhe

mundësive të barabarta, i jetesës pa bariera dhe mjedisit të lirë, i rehabilitimit, parandalimit, integrimit shoqëror dhe pjesëmarrjes në jetën e komunitetit;

Duke u bazuar në nevojën për ndërhyrje të qëndrueshme, ndër-sektoriale për adresimin e fenomenit të fëmijëve në situatë rruge, si dhe nevojën për vendosjen e praktikave të qëndrueshme parandaluese për informimin dhe edukimin e shoqërisë, familjes dhe në veçanti të fëmijës mbi këtë fenomen;

Duke iu referuar Planit të Veprimit për identifikimin dhe mbrojtjen e fëmijëve në situatë rruge të hartuar nëpërmjet konsultimeve të përbashkëta të palëve;

Në mbështetje të nenit 54 të Kushtetutës së Republikës së Shqipërisë; Ligjit Nr.9062, datë 8.5.2003, "Kodi i Familjes"; Ligjit Nr.7895, datë 27.01.1995, "Kodi Penal i Republikës së Shqipërisë", i ndryshuar; Ligjit Nr.10347, datë 4.11.2010, "Për Mbrojtjen e të Drejtave të Fëmijës" dhe akteve nënligjore të dala në zbatim të tij; Ligjit Nr. 9355, datë 10.03.2005, "Për ndihmën dhe shërbimet shoqërore", i ndryshuar; Ligjit Nr. 9749, datë 4.6.2007, "Për Policinë e Shtetit", i ndryshuar; Vendimit Nr. 265, datë 12.04.2012, të Këshillit të Ministrave, "Për krijimin dhe funksionimin e mekanizmit të bashkërendimit të punës ndërmjet autoriteteve shtetërore përgjegjëse për referimin e rasteve të fëmijëve në rrezik, si dhe mënyrën e procedimit të tij"; Vendimit Nr. 266, datë 12.04.2012, të Këshillit të Ministrave, "Për bashkërendimin e mekanizmave në nivel qëndror dhe vendor për çështjet e mbrojtjes së të drejtave të fëmijëve"; Vendimit Nr. 904, datë 12.12.2012, të Këshillit të Ministrave, "Për përcaktimin e kritereve, të procedurave dhe dokumentacionit të përfitimit të ndihmës ekonomike, në zonat pilot"; Vendimit Nr. 425, datë 27.06.2012, të Këshillit të Ministrave, "Për përcaktimin e kritereve dhe të dokumentacionit të nevojshëm për pranimin e personave në institucionet rezidenciale, publike dhe jopublike, të përkujdesjes shoqërore";

**Ministria e Mirëgenies Sociale dhe Rinisë (MMSR) dhe Ministria e Punëve të Brendshme (MPB), këtu përmendur si "Palët", bien dakord për sa më poshtë vijon:**

**Neni 1  
Objekti i Marrëveshjes**

Përcaktimi i qartë i detyrave dhe përgjegjësive të Palëve për zbatimin e Planit të Veprimit për identifikimin dhe mbrojtjen e fëmijëve në situatë rruge, pjesë integrale e kësaj marrëveshjeje.

**Neni 2  
Qëllimi i Marrëveshjes**

Bashkëpunimi efektiv i Palëve për identifikimin proaktiv dhe mbrojtjen e fëmijëve në situatë rruge nga të gjitha format e abuzimit, shfrytëzimit dhe neglizhencës, përmes një ndërhyrjeje të koordinuar dhe ndër-sektoriale.

## Neni 4 Përgjegjësitë e Palëve

### Përgjegjësitë e MMSR

*MMSR nëpërmjet Agjencisë Shtetërore për Mbrojtjen e të Drejtave të Fëmijëve:*

- Bashkërendon punën me institucionet shtetërore dhe jo shtetërore për zbatimin e Planit të Veprimit për identifikimin dhe mbrojtjen e fëmijëve në situatë rruge;
- Organizon takime periodike të Task Forcës, me përfaqësues të institucioneve zbatuese të Marrëveshjes dhe Planit të Veprimit;
- Përditëson Planin e Veprimit dhe monitoron zbatimin e tij;
- Përgatit udhëzime metodologjike për profesionistët mbi punën me fëmijët në situatë rruge, dhe ua propozon Ministriive përkatëse për miratim dhe zbatim;
- Mbështet me trajnime dhe ngritje kapacitetesh profesionistët e përfshirë, në bashkëpunim me aktorët publikë dhe jo publikë;
- Përgatit raporte periodike mbi ecurinë dhe zbatimin e planit dhe informon institucionet palë dhe të tjera të përfshira në zbatim të Planit të Veprimit.

*MMSR nëpërmjet Shërbimit Social Shtetëror (ShSSh):*

- Vë në dispozicion strukturat e Shërbimit Social Shtetëror dhe Drejtoreve të Shërbimit Social Rajonal për drejtimin, koordinimin dhe mbikqyrjen e veprimtarisë së skuadrave të terrenit;
- Vë në dispozicion paketën e shërbimeve sociale për menaxhimin e rasteve të referuara në kuadër të kësaj Marrëveshjeje, të zbatuar drejtpërdrejtë nga ShSSh;
- Siguron ndërhyrjen emergjente për rastet në rrezik të lartë të fëmijëve të evidentuar në koordinim të ngushtë me pushtetin vendor dhe organizatat që ofrojnë shërbime sociale emergjence;
- Bashkëpunon me Njësitë për Mbrojtjen e Fëmijës (NJMF) në bashki/komunë, të cilat në bazë të Ligjit Nr.10347, kanë detyrë të bëjnë identifikimin dhe të bashkërendojnë në mënyrë multidisiplinare, mbrojtjen, referimin dhe analizën e rasteve në territorin e bashkisë/komunës;
- Merr pjesë në takimet për bashkërendimin e punës së Task Forcës.

*MMSR nëpërmjet Shërbimit Kombëtar të Punësimit:*

- Shqyrtton me përparësi rastet e referuara në kuadër të kësaj Marrëveshjeje;
- Vë në dispozicion shërbimet lidhur me punësimin dhe arsimin profesional për rastet e referuara në kuadër të kësaj Marrëveshjeje;
- Këshillon, lehtëson dhe mbështet krijimin e marrëdhënieve të punës;
- Merr pjesë në takimet për bashkërendimin e punës së Task Forcës.

## **Përgjegjësitë e MPB**

*MPB nëpërmjet Zyrës se Koordinatorit Kombëtar Antitrafik:*

- Nëpërmjet Autoritetit Përgjegjës, bashkërendon punën për rastet e dyshuara dhe të evidentuara të trafikimit sipas Procedurave Standarde të Veprimit;
- Bashkërendon punën me Drejtoren e Përgjithshme të Gjëndjes Civile dhe institucionet e tjera në varësi të MBP-së për rastet e fëmijëve të paregjistruar;
- Shkëmben informacion me Agjencinë Shtetërore për Mbrojtjen e të Drejtave të Fëmijëve për rastet e trafikimit duke respektuar detyrimet e ligjit Nr. 9887, datë 10.03.2008, "Për Mbrojtjen e të Dhënave Personale";
- Merr pjesë në takimet për bashkërendimin e punës së Task Forcës.

*MPB nëpërmjet Drejtorisë së Përgjithshme të Policisë së Shtetit (DPPSH)*

- Vë në dispozicion strukturat e saj të varësisë për zbatimin e Planit të Veprimit;
- Vë në dispozicion të skuadrave të terrenit punonjës policie të strukturave vendore të policisë, në rastet kur kjo gjë është e domosdoshme për trajtimin e rasteve të fëmijëve në situatë rruge;
- Ofron asistencë dhe këshillim numpërmjet specialistëve të Sektorit për të Miturit dhe Dhunës në Familje në DPPSH, në rastet kur nga ana e skuadrave të terrenit dhe strukturave vendore të policisë hasen vështirësi në trajtimin e rasteve të evidentuara;
- Harton udhëzime për strukturat vendore të Policisë së Shtetit në lidhje me mënyrën e evidentimit, trajtimit apo referimit të rasteve të fëmijëve në situatë rruge të evidentuara gjatë punës rutinë;
- Referon tek skuadrat e terrenit çdo rast të fëmijëve në situatë rruge të evidentuar apo identifikuar numpërmjet linjës telefonike falas 116 006 dhe 129;
- Identifikon dhe heton në mënyrë proaktive rastet e shfrytëzimit të fëmijëve në situatë rruge;
- Në zbatim të legjislacionit në fuqi, merr masat e nevojshme për trajtimin e rasteve të identifikuara;
- Merr pjesë në takimet për bashkërendimin e punës së Task Forcës.

## **Neni 5 Kohëzgjatja e Marrëveshjes**

Kjo Marrëveshje hyn në fuqi me nënshkrimin nga Palët dhe mbetet e vlefshme deri në një afat të pacaktuar.

## **Neni 6 Përfundimi i Marrëveshjes**

Marrëveshja mund të përfundojë nga secila Palë me informimin me shkrim 30 ditë përpara të Palës tjetër.

**Neni 7**  
**Ndryshimi i Marrëveshjes**

Marrëveshja mund të ndryshohet me shkrim në çdo kohë me aprovin e përbashkët të Palëve.


**Neni 8**  
**Klauzolë Përfundimtare**

Kjo Marrëveshje është përgatitur në 2 kopje origjinale. Secila Palë do të marrë një kopje originale të kësaj Marrëveshjeje.

**PËR**

**Ministrinë e Mirëqenies Sociale dhe  
Rinisë:**

**Z. Erion VELIAJ**




Data e nënshkrimit

**PËR**

**Ministrinë e Punëve të Brendshme:**

**Z. Saimir TAHIRI**



Data e nënshkrimit